

NOUVELLE

ASSEVREE ET

AGREABLE.

S V R

L'ESLARGISSEMENT

de Monseigneur le Prince
de Condé.

ENSEMBLE LA LETTRE

du Roy, enuoyée à Monseigneur
le Prince.



A PARIS,

Chez NICOLAS ROVSSET,

en l'Isle du Palais vis à vis

les Augustins.

M. DC. XIX.

Case


F

39

326

1619.me

THE NEWBERRY
LIBRARY



LA
NOUVELLE
ASSEVREE ET
AGREABLE.

S V R
L'ESLARGISSEMENT
de Monseigneur le Prince
de Condé.

Ensemble la lettre du Roy, enuoyée
à Monseigneur le Prince.



VAND DIEV
guide les in-
tentions du
Monarque ,
& faict que
tous les mé-
bres de son Estat s'accordent

A ij

à sa volonté , la Monarchie à
iuste raison de ce resjouir: Car
c'est cela seul qui la peut ren-
dre paisible , & par mesme
moyen bien heureuse.

Que la France se resjouis-
se donc , & remplisse l'air de
ses chants d'allegresse: Car Dieu
conduit soigneusement les des-
seins de son Roy (qui est le
plus IVSTE du monde, aus-
sy bien que le plus Puissant ,)
& faict que tous les membres
de son Estat obeissent à sa vo-
lonté.

Cela ce void clairement au
bon heur que nous sentons
sous le reigne de ce grand

Monarque de la France LOVIS
LE IVSTE, contre l'inten-
tion, & mal-gré tous les mau-
vais desseins des ennemis de
son Estat, lesquels il descou-
ure aussy tost qu'ils sont con-
ceuz & les renuerse & efface
du tout en les descouurant seu-
lement, voire & si heureuse-
ment que quand ils auroyent
mis le feu aux quatre coings
& au milieu du Royaume, il
ne faut que sa seule presence
pour remettre le tout en son
premier lustre. Se void aussy
en l'obeissance qui luy est ren-
duë par les Princes subiects à
son Sceptre & par les Officiers
de sa riche Couronne, qui est
telle, que quelques obstacles

que les ennemis de la France
 puissent produire, rien ne les
 peut empescher (non pas mes-
 mes d'estourner) d'obeir à leur
 Roy, n'y de le seruir fidelle-
 ment.

Ce qui se manifeste avec
 plus d'evidence par l'action,
 pour laquelle i'escris que par
 chose qui se soit passée depuis
 le commencement de ce rei-
 gne iusques au iourd'huy.

Le Roy estant par la gra-
 ce de Dieu pourueu de tou-
 te la cognoissance requise à vn
 grand Monarque tel qu'il est.

Et iugeant combien de con-

tentement & de profit pour-
roit apporter à ceste grande
& redoutable Monarchie de la
France, voire à toute la Chre-
stienté, que la liberté de
Monseigneur le Prince de
Condé, (qui estant vn des
Premiers Princes du sang Royal
est aussi le premier Prince de
l'Europe en promptitude &
subtilité d'esprit, en Science,
en agilité de sa personne & en
magnanimité, a tousiours de-
siré de la luy donner à son bien
& contentement comme il l'a
luy donne aujourd'huy ving-
tiesme du mois d'Octobre, mil
six cens dix neuf.

Et là luy auroit donnée plus-
tost si Dieu qui voit, sçait, & co-
gnoist toutes choses & les mene
à leur perfection le luy eussent
voulu permettre, car il le desi-
roit avec passion, & le disoit sou-
uent en presence de sa Cour.
Mais quoy il falloit prolonger
le temps afin que la ioye, l'ale-
gresse, & le contentement en
fussent plus sensibles & en plus
grande abondance par tout le
Monde. En fin sa Majesté a ob-
tenu de Dieu le bon-heur qu'elle
luy demandoit des long-temps
& l'ayant manifesté à son Con-
seil & a toute sa Cour, Dieu à tel-
lement fauorisé son dessein qu'il
ne s'est trouué personne qui
n'ait

n'ait agrée que liberté fust donnée à ce grand & excellēt Prince, & ne se soit resiouy de voir sa Majesté si bien disposée à la luy donner. De façon que sa Majesté poussée par l'Esprit de Dieu n'eust pas si tost entendu le desir que toute la France auoit de voir c'est eslargissement qu'elle escriuit de sa propre main, vne lettre à Monseigneur le Prince dattée du 17. d'Octobre, par laquelle elle l'asseuroit de le faire sortir du Chasteau de Vinceinne le Dimanche prochain vingtiesme du mesme mois d'Octobre, ceste lettre Royale fut renduë à Monseigneur le Prince le mesme dixseptiesme dudit mois par le Secretaire de Monsieur de


B

Cadenet.

Au grand contentement de tous les bons François : Monseigneur le Prince & Madame la Princesse en rendirent graces a Dieu, & pour tesmoigner combien le bon plaisir du Roy leur estoit agreable, Monseigneur le Prince donna une somme d'argent & la fit distribuer aux Compagnies de la dicte Garnison qui se trouuerēt en garde a ce que tous les Soldats beussent a la sante du Roy, & priaissent Dieu pour la prosperite de sa personne & de son Estat.

Le Samedy au soir monsieur le Duc de Luyne arriua

à Vincene , & rendit a *Mon-*
seigneur le Prince la lettre du
Roy telle qu'on la void cy à-
pres. Puis il sortit hors du Cha-
steau & accompagna *Monsei-*
gneur le Prince & *Madame* la
Princesse dans le grand parc de
Vincene ou il communiqua la
volonté de sa *Majesté* à *Mon-*
seigneur le Prince, apres il l'ac-
compagna dans ledit Chasteau
& s'en alla loger à Paris.



LETTRE DV ROY
à Monseigneur le Prince.

MON COUSIN,

Je ne vous diray pas combien
ie vous aime vous le voyez le
vous enuoye mon Cousin le Duc
de Luyne qui sçait les secrets de mon
cœur, & vous les dira plus ample-
ment : venez vous en le plus prom-
ptement que vous pourrez, car ie
vous attends avec impatience : &
cependant ie prieray Dieu de vous
tenir en sa sainte Grace

LOVIS

De Chantilly ce
19. d'Octobre 1619.

Le Dimanche, estant venu Monsieur de Luyne vint au Chasteau de Vincenes pour s'acquiter de sa charge, & environ vnze heures auant midy Monseigneur le Prince & Madame la Princesse accompagnez de Messieurs le Duc de Luyne, de Cadenet son frere, de Vernet & de Mont, ses beaux freres, avec Monsieur de Modene, & tous les Capitaines de la garnison, & d'un fort grand nombre de noblesse, au grand contentement de toute la France : Et s'en alla trouuer sa Maiesté a Chantilly ou ell' l'attendoit avec impatience, & le receut avec la plus grande allegresse, & avec

14
le plus grand contentement
du monde.

HONORAT DE
MEYNIER.

F I N.

